

■ COLUMNA

Nus n'ans laschain betg...

DA AITA DERMONT-STUPAN

*Nus nu'ns laschains cumander
Nus n'ans laschain cumandar
Nous n'ans laschagn betg cumandar
Nus saschagn betga cumandar
Nus schein buca cumandar
sur da nus
Nus n'ans laschain betg cumandar*

Isto be vegnir insatgi cun lina parola sco quella qua survart u insatge sumegliant, sche ha'l garantì la gronda part dal pievel davos il dies. Da tge ch'i sa tracta lura exact, quai n'è betg uschè impurtant. Er en nus Rumantschs vegn sveglià qua anc in sentiment da «pur suveran» e per ina giada essan nus tuts d'accord. Ma lura èsi er gist finì cun noss'accordanza.

Sch'i sa tracta numnadain da chattar ina furma cuminaivla per scriver quests peds, na vegnin nus betg perina. Per insatgi che n'è betg da lingua rumantscha è quai raubas da squassar il chau. Ma nus avain halt gugent nossa lingua ed essan disads da leger e scriver sco quai che nus avain emprendre e basta. En vardad essan nus plaunet disads da leger e scriver plitost tudestg, ans disain da duvrar pli e pli pauc il rumantsch e la gronda part gnanca na bada quai.

Idat però bain tschertas personas – jau pens qua cunzunt a las personas d'in-



strucziun – che badan quai e constateschan mintga di cun fastidi ch'il rumantsch va al main. Ellas fan tut ils sforzs per cumbatter quest svilup, s'engaschan en scola ed er ordaifer la scola per promover il rumantsch. Cunzunt en l'Engiadin'Ota han fatg e fan tschertas personas lavur instancabla. Grazia a lur sforzs n'è il rumantsch anc betg mort.

Deplorablain da defendan gist questas personas vehementain cunter l'introducziun dal rg en scola. Dad ina vart chapavel che per ellas vegn l'introducziun dal rg en scola a prima vista sco in schoc. Duess ussa tuttenina tut lur lavur per mantegnair il rumantsch puter esser stada per il giat? Vulani ussa vegnir e bittar tut sin il chau e far mussar insatge auter? Chapavel ch'ellas teman da perder il rumantsch puter, sco da perder in uffant. Pli grond ch'il fastidi e l'enga-

schament per l'uffant è stà e pli mal ch'i fa d'al laschar ir.

Ma sco educaturas ed Educateurs savain nus er ch'i n'è betg bun per l'uffant d'al laschar sa sviluppar mo en sias quatter paraids. Igl è necessari d'avrir las portas, er cun la ristga ch'el vegnia suttaless ad influenzas che n'èn tenor noss giuditgar forsa betg tant positivas. Impurtant èsi d'al dar in fundament uschè solid sco pussaivel e d'avair la fiduzia ch'el sa sviluppa en in senn positiv.

Ilg è per il rumantsch in fundament solid ch'è chapavel per tut ils idioms, che po vegnir francà en la lescha, che po vegnir actualisà e sviluppa cuntinuadamain, che po vegnir applitgà e che po vegnir sustegnì finanziadamain en ils pli differents secturs. Sch'il puter na vegn gia bunamain betg pli discurrì, duess ins almain mussar a leger e scriver en ina furma rumantscha valaivla per tut la Rumantschia. E tgi che discurre anc rumantsch, duai far quai vinavant, pli bler e pli gugent, tge idiom ch'i saja. Rg è almain rumantsch.

Eper finir anc in citat che Ejau hai udì bleras giadas da mes bab. El deriva d'in original da Scuol che ha vivì ca. ils onns 1900 fin 1980. «Che jüda 'quai ai miu grip quai ai miu crap', sch'eu crap lasura.»